

Home > THIBAUT DE CHAMPAGNE > EDIZIONE > De chanter ne me puis tenir > Tradizione manoscritta > CANZONIERE K > Edizione diplomatico-interpretativa

Edizione diplomatico-interpretativa

	I
De chanter ne me puis te nir de la tres bele esperitaus. que riens du mont ne puet ser uir; qui ia uiengne honte ne max. que li rois celestiax qui en li daigna uenir. ne porroit mie sousfrir qui la sert qil ne fust saus.	De chanter ne me puis tenir de la tres bele esperitaus, que riens du mont ne puet servir qui ja viengne honte ne max; que li Rois celestiax, qui en li daigna venir, ne porroit mie sousfrir qui la sert q'il ne fust saus.
	II
Quant Dex tant la uout obeir qui nesto it muables ne faus. bien nos ideuons dont tenir; dame roi ne naturax. cil qui uous sera feax. uous li sauroiz bien me rir. deuant uos porra uenir. plus clers questoile iornax.	Quant Dex tant la vout obeïr, qui n'estoit muables ne faus, bien nos i devons dont tenir, Dame roïne naturax! Cil qui vous sera feax vous li savroiz bien merir; devant vos porra uenir plus clers qu'estoile jornax.
	III
Vo stre biaute qui si resplent; fet tout le monde resclarcir. par uous uint dex entre lagent; en terre pour lamort sousfrir. et alanemi tolir. nos et get(er) de torment. par uous auons uengement. et par uous deuo(n)s garir.	Vostre biauté, qui si resplent, fet tout le monde resclarcir. Par vous vint Dex entre la gent en terre pour la mort sousfrir et a l'Anemi tolir nos et geter de torment. Par vous avons vengement et par vous devons garir.
	IV

David le sout premie rement; que de li deuiez oissir. quant il parla si hautement; par la bouche du saint espir. uous nestes mie a florir. ainz auez flor si poissant. cest dex q(ui) onques ne ment. et par tout fet son plesir.	David le sout premierement que de li deviez oissir, quant il parla si hautement par la bouche du Saint Espir. Vous n'estes mie a florir, ainz avez flor si poissant: c'est Dex qui onques ne ment et par tout fet son plesir.
	V
Dame plaine de grant bonte; de cortoisie et de pitie. par uous est touz ralu mez; li mondes nes li renoie. quant il seront rauoie. et crer ront que dex soit nez. seront sauf bien le sauez; dame aiez de nos pitie.	Dame, plaine de grant bonté, de cortoisie et de pitié, par vous est touz ralumez li mondes, nès li renoié. Quant il seront ravoie et crerront que Dex soit nez, seront sauf, bien le savez. Dame, aiez de nos pitié!

- letto 273 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatico-interpretativa-2149>